


զբ քիչ—քիչ իրարից հեռանում են և բաժանւում: Յայտնի են նաև այնպիսի դէպքեր, երբ սերմն ընկնելով հողի վրայ, հանդիպում է այնտեղ փթած ոսկորների. սերմի արմատները ծակում են ոսկորը և միւս կողմից շարունակում աճել: Տասը տարի առաջ Սեւաստոպոլի մօտ մի սպետակ ակացիա է դանուել, որի արմատները ոսկորների միջով են անցնում: Սրանք բոլորը ապացուցանում են, որ աճող արմատները սարսափելի ոյժ ունին: Այժմ հասկանալի կլինի, որ եթէ ծառի սերմը քամուց տարւում ժայռի փոքրիկ ճեղքի մէջ է ընկնում, նա կարող է իւր համար ժայռի մէջ ճանապարհ հարթել, ճեղքը մեծացնել, երբ հարկաւոր է, քարեր պոկել, և եթէ փոշու միջոցով բաւականաչափ հող հաւաքուի այս ժայռի ճեղքի մէջ, այն ժամանակ ծառը աղատ կգարգանայ: Հատ անդամ էլ պատահում է, որ ժայռից քարեր են պոկւում և թափւում ցած, ծառը ծածկում. եթէ արմատից նոր ծէեր դուրս գան և քարի շուրջը ճիւղեր տան, ժամանակին դրանք մեծանալով և զօրանալով իրանց հետ վերև կբարձրացնեն քարերը: Ոչ միայն ընուլթեան, քարերի և ժայռերի հետ, այլ և մարդկանց շինութիւնների հետ էլ ծառերը մրցում են և շատ անգամ յաղթող հանդիսանում: Ցանկապատի շատ ճաղեր երբեմն յենւում են ծառերի ընկն, իսկ ծառն էլ իւր կողմից աշխատում է նրանց իւր մէջն առնել, որ և շատ անգամ յաջողւում է: Միացեալ—նահանգներում վերջին պատերազմների ժամանակ մի խոնաւ դաշտի մէջ մոռացուած մ'նացին պատերազմական սայլեր. այգաեղ սկսեց աճել ուռենի, որ և շուտով ճիւղեր արձակելով շատ սայլեր իւր մէջն առաւ. ճիւղերն անցան անիւների շառաւիղների միջով և բոլորն էլ փշացրին: Երբ եկան և ուղում էին սայլակները բաժանել, ոչ մի կերպ չկաշողացան ամբողջութեամբ հանել նրանց, այլ բոլորը կտոր—կտոր էին եղել:



Ս Ո Ւ Ր Մ Տ Ք Ե Ր

Բաղդդից հրաժարուել կարողանալը—բաղդ է:

Թեթևամիտը մոռանում է—ազնուամիտը ներում է:

Երբեմն հարկաւոր է լինում խօսել, որովհետեւ լուրջ չափազանց շատ բան ասած կլինէինք:

Նա, որ լաց շատ է տեսել՝ անձկութեամբ է ողջունում բազդի ճառագայթը: Չէ որ գիտէ, թէ ինչքան վրտանդաւոր է արեւի երևալը փոթորկոտ եղանակին:

Հանճարը նուաճում է աշխարհը, բայց նորա իսկական տէրը միջակութիւնն է:

ՊԱՏԱՍԽԱՆԻՔ.

Արմաիր, պ. Ս. Շահանեան. — Ձեր «պատասխան»-ը տպել չենք կարող, որովհետեւ չի կարելի թերթի մէջ առանձին բաժին բանալ մի աննշան փոքրիկ գրքոյի այս ու այն կողմ քաշըշել տալու համար. առանց այն նորա քննադատութեան աւելի տեղ էր տուած, քան կարժէր: Քննադատութեան դէմ նոր, կրկնապատիկ ծաւալ ունեցող՝ քննադատութիւններ գրել ո՛չ մի տեղ ընդունուած չէ. կարելի է միայն մի քանի տողով սեղդել պատահական թիւրիմացութիւնները. այլապէս ընթերցողը կարող է գիրքն էլ կարդալ, քննադատութիւնն էլ ու իւր եղբայրացութիւնները հանել: Իսկ եթէ Դուք կամենում էք նոր ի նորոյ բացատրել Ձեր տեսութիւններն ու աւելի ընդարձակել, նոր գիրք գրեցէ՛ք, կամ աւելի պատշաճ լեզուով մի յօդուած՝ յարմար այն թերթին, որին դիմում էք:

Նոր—Դարի խմբագրութեանը. — Կկատարէինք սիրով Ձեր խորհուրդը և Ձեր ահնարկած բրոշիւրը կկարդայինք, բայց մեր ձեռքը չի հասել: Կարդացինք Ձեր յառաջ բերած նամակը և Թումայեանի դէմ ուղղուած ուրիշ գրութիւններ. սակայն պատճառ չենք գտնում նոցա աւելի հաւատ ընծայելու, քան Թումայեանի հերքումներին ու մեղադրանքներին. այդ բոլոր բրոշիւրներն ու նամակները հաւասար արժէք ունին մեր աչքում: Կեղտոտ ջրի մէջ կեղտոտ ձեռքեր են լուացուում,—արի՛ որոշիր, թէ ո՛ւմ ձեռքերն աւելի կեղտոտ են: Այդպիսի որոշումներ ա-